



অবিলম্বে প্রকাশের উদ্দেশ্যে: 5/3/2023

গভর্নর ক্যাথি হোকল

গভর্নর হোকল 2024-এর বাজেটের অংশ হিসেবে নিউ ইয়র্ক স্টেটের কৃষিক্ষেত্রে
ঐতিহাসিক বিনিয়োগের কথা তুলে ধরলেন

লক্ষ্যণীয় মাত্রায় কৃষি শিল্পে বিনিয়োগ খাদ্য সরবরাহের চেইনকে সমর্থন করে
এবং স্থানীয় খাদ্য ও ব্যবসার প্রচার করে

বিনিয়োগ সংক্রান্ত ট্যাক্স ক্রেডিট, কর্মবাহিনীর উন্নয়ন, স্থানীয় উদ্যোগগুলো কৃষক এবং
ফার্মের শ্রমিকদের সমর্থন করবে

গভর্নর ক্যাথি হোকল আজ 2024 অর্থবছরের বাজেটে নিউ ইয়র্কের কৃষি শিল্পের জন্য
ঐতিহাসিক সমর্থনের কথা তুলে ধরেছিলেন। কৃষক এবং স্থানীয় খাদ্য উৎপাদনের পাইপলাইন
নিয়ে গভর্নর হোকলের দৃঢ় সংকল্প তাঁর 2023 এর স্টেট অফ দ্য স্টেট ভাষণে প্রতিফলিত হচ্ছে,
বাজেটটিতে অন্তর্ভুক্ত রয়েছে খাদ্য উৎপাদন এবং স্টেটের স্থানীয় খাবার ক্রয় বাড়ানোর ব্যাপারে
লক্ষ্যণীয় মাত্রায় বিনিয়োগ; কৃষক এবং ফার্মের শ্রমিকদের সহযোগিতার জন্য একটি
রিফান্ডযোগ্য বিনিয়োগ সংক্রান্ত ট্যাক্স ক্রেডিট গঠন; খামারে কর্মবাহিনী গড়ে তুলতে প্রোগ্রামিং
এবং স্থানীয় স্তরে কমিউনিটি এবং শহুরে খামারের প্রচেষ্টাকে সহায়তা; ক্রাফ্ট পানীয় শিল্প
বাড়ানোর জন্য নতুন উদ্যোগ এবং আরও অনেক কিছু। উপরন্তু, এটি কৃষির জন্য রেকর্ড-ভাঙা
স্থানীয় সহায়ক ফান্ডিংয়ের দ্বিতীয় ধারাবাহিক বছরকে চিহ্নিত করে, যা নিউ ইয়র্কে গবেষণা,
বিকাশ, বিপণন এবং প্রচারমূলক প্রোগ্রামিংয়ের জন্য প্রদত্ত।

"নিউ ইয়র্কের কৃষকরা আমাদের স্টেটের মেরুদণ্ড আর কৃষি শিল্প হল আমাদের অর্থনীতির
জন্য অপরিহার্য," বলেন গভর্নর হোকল। "নিউ ইয়র্কের কৃষকদের সহায়তায় এই উল্লেখযোগ্য
বিনিয়োগ চলতে থাকবে, যাতে তারা আমাদের টেবিলে তাজা খাবারের জোগান দিয়ে যেতে
পারেন, আমাদের গ্রামীণ সম্প্রদায়গুলোর সমৃদ্ধিতে সাহায্য করতে পারেন এবং আমাদের খাদ্য
ও পানীয় ব্যবসায়গুলো যাতে আগামী বছরগুলোতেও উন্নতি করে যেতে পারে তা নিশ্চিত করে।"

খাদ্য সাপ্লাই চেইনের সম্প্রসারণ

2024 অর্থবছরের বাজেট নিউ ইয়র্কের কৃষিজাত পণ্যের চাহিদায় উৎসাহ দেওয়ার, নিউ ইয়র্কের
খাদ্য সাপ্লাই চেইন জোড়দার করার এবং সমস্ত নিউ ইয়র্কবাসী তাজা, স্থানীয় খাদ্য উৎপাদন
এবং অ্যাক্সেস করতে সক্ষম বলে নিশ্চিত করার লক্ষ্যে দৃঢ় বিনিয়োগ অন্তর্ভুক্ত করে। বাজেটটি

ফান্ডিংয়ে 2 মিলিয়ন ডলার দিয়ে নিউ ইয়র্কের কমিউনিটি গার্ডেনিং কর্মসূচি বর্ধিত করে এবং এটি ফার্ম মার্কেট, সুপারমার্কেট, ফুড কোঅপারেটিভ, এবং এধরনের অন্যান্য খুচরা খাবার বিক্রয়ের দোকান স্থাপনে সহায়তার পাশাপাশি সুবিধাবঞ্চিত কমিউনিটি ও স্টেটের অঞ্চলগুলোতে অবকাঠামো নির্মাণে সহায়তার জন্য 10 মিলিয়ন ডলারের একটি অনুদান কর্মসূচি অন্তর্ভুক্ত করে। এই কর্মসূচিগুলো ঐতিহ্যগতভাবে সুবিধাবঞ্চিত কমিউনিটিগুলোতে খাদ্যের অ্যাক্সেস উন্নত করবে।

আমাদের স্কুলগুলোর জন্য আরও নিউ ইয়র্কের পণ্য

এছাড়াও 2024 অর্থবর্ষের বাজেট স্কুল ডিস্ট্রিক্টগুলোকে স্থানীয় উৎপাদনকারীদের থেকে খামারজাত পণ্য আহরণ এবং ক্রয়ের ব্যাপারে সাহায্যের জন্য বিভিন্ন টুল অন্তর্ভুক্ত করে নিশ্চিত করে যে নিউ ইয়র্কই নিউ ইয়র্কের প্রথম এবং সেরা গ্রাহক। বিশেষ করে, বাজেটটি স্কুলগুলোর খাদ্যদ্রব্য কেনার জন্য বিবেচনামূলক সীমারেখা বাড়িয়ে 150,000 ডলার করেছে, পূর্ববর্তী সীমারেখা থেকে যা তাৎপর্যপূর্ণ বৃদ্ধি। নিউ ইয়র্ক স্টেটে স্থানীয় খাদ্য উৎপাদন আরও শক্তিশালী করে, বাজেটটি, কুकिং ফেসিলিটিগুলোর সহায়তায় স্থানীয় স্কুল ডিস্ট্রিক্টগুলোকে পাঁচ বছর সময়ের মধ্যে 50 মিলিয়ন ডলার প্রদান করেছে যা K-12 স্কুলের শিশুদের জন্য খাবার প্রস্তুতিতে তাজা নিউ ইয়র্কস্টেটের খামারজাত পণ্যের ব্যবহার সহজতর করবে। স্কুলের খাদ্য অবকাঠামো অনুদান কর্মসূচি (School Food Infrastructure Grant Program) স্কুলগুলোকে খামারজাত পণ্য সংগ্রহ, সংরক্ষণ, প্রক্রিয়া এবং প্রস্তুত করার জন্য এবং স্কুলের শিশুদের জন্য অন-সাইটে তাজা, পুষ্টিকর বাড়িতে তৈরি আহার রান্না করা সম্ভব করে তোলার জন্য প্রয়োজনীয় সংস্থানসমূহ প্রদান করবে।

স্থানীয় উৎপাদনকারীদের সহযোগিতা

স্টেট জুড়ে কৃষকদের বাড়তি সহায়তা দিয়ে, বাজেটটি পাঁচ বছরের জন্য 20 শতাংশ বিনিয়োগবাবদ ট্যাক্স ক্রেডিট কৃষকদের জন্য ফেরতযোগ্য করে তোলে। খামারগুলোর লাভযোগ্যতা নির্বিশেষে ক্রেডিটটি খামারগুলো থেকেই পাওয়া যাবে এবং যে বছর বিনিয়োগ করা হচ্ছে সেই বছরই এটি প্রযোজ্য হবে। এই গুরুত্বপূর্ণ সহায়তা সরঞ্জাম ক্রয়ের মতো খামারের মধ্যে উৎপাদনের উদ্দেশ্যে বাড়তি বিনিয়োগের জন্য একটি ইনসেনটিভ প্রদান করবে, যার মধ্যে নির্গমন কমাতে সক্ষম সর্বাধুনিক অ্যানেরোবিক বায়োডাইজেস্টারও অন্তর্ভুক্ত রয়েছে। অতিমারীর কারণে সাপ্লাই চেইন বিঘ্নিত হওয়া, বাজারে অনিশ্চয়তা দেখা দেওয়া এবং শ্রমিক খরচ বেড়ে যাওয়া সহ নিউ ইয়র্কের খামারগুলোকে অনেক চ্যালেঞ্জের সম্মুখীন হতে হয়েছিল যে সময় সেটি পার হয়ে আসার পরে, এই ট্যাক্স ক্রেডিট নিউ ইয়র্কের সমস্ত ধরণের উৎপাদনকারীদের নিজেদের খামারগুলো আধুনিকীকরণ করতে এবং ভবিষ্যতে আরো ভালোভাবে প্রতিযোগিতা করতে সাহায্য করবে।

ভবিষ্যতের দিকে তাকিয়ে, বাজেটটি আগামী বছরগুলোয় নিউ ইয়র্কের কৃষি শিল্পকে শক্তিশালী করার জন্য স্টেটে একটি মজবুত কৃষি সম্পর্কিত কর্মবাহিনীর পাইপলাইন তৈরি করতে 1 মিলিয়ন মার্কিন ডলার অন্তর্ভুক্ত করেছে। এটি শিল্পটি জুড়ে ইন্টার্নশিপ এবং শিক্ষানবিশী চিহ্নিত করতে প্রধান স্টেকহোল্ডারদের সাথে কাজ করা, এবং শিল্পটি দ্বারা যে প্রয়োজনীয় দক্ষতা ও মানদণ্ড প্রয়ন তা শিক্ষার্থীদের শেখানো হচ্ছে বলে নিশ্চিত করতে শিক্ষামূলক প্রতিষ্ঠানগুলোর সাথে কাজ করা অন্তর্ভুক্ত করে। এছাড়াও এই উদ্যোগটি অভিবাসী ব্যক্তি এবং আশ্রয় প্রার্থীদের

সঙ্গে কৃষি ও খাদ্য শিল্পের কর্মসংস্থানের সংযোগ স্থাপনের প্রতি মনোযোগী হবে, যার মধ্যে আইনি পরিষেবাগুলোর জন্য তহবিল বৃদ্ধির প্রস্তাব করা অন্তর্ভুক্ত রয়েছে, যেটি এসব ব্যক্তিকে আইনানুগ চাকরির স্থিতি অর্জনে সহায়তা করবে। এছাড়াও গভর্নর হোকল কৃষি ও বাজার দপ্তর (Department of Agriculture and Markets)-কে অভিবাসী শ্রমিকদেরকে স্ক্রিনিং, ভাষা শিক্ষা, প্রাথমিক দক্ষতা উন্নয়ন, ও প্লেসমেন্ট-এর মতো কর্মসংস্থান সংক্রান্ত পরিষেবার ব্যাপারে সহায়তার জন্য কৃষি সংস্থাগুলোর সঙ্গে অংশীদার হওয়ার নির্দেশ দিয়েছেন।

ক্রাফ্ট পানীয় উৎপাদনে সহায়তা

সেইসাথে বাজেটটি খামার-ভিত্তিক পানীয় উৎপাদনকারী সহ ডিস্টিলার এবং ওয়াইনারিগুলোর জন্য অ্যালকোহলজাতীয় পানীয় উৎপাদনের ক্রেডিট (Alcoholic Beverage Production Credit, ABPC) বাড়িয়েছে। আবগারি করে ভারসাম্য আনতে এই ক্রেডিট ওয়াইন এবং ডিস্টিল করা স্পিরিটের জন্য বাড়ানো হয়েছে, যার নিউ ইয়র্ক স্টেটে প্রথম 500,000 গ্যালন উৎপাদনে শুল্ক ধার্য করা হয় এবং দুটি পানীয় শ্রেণীর মধ্যে এটি বেশি ভালো সমতা দেয়। নিউ ইয়র্ক ওয়াইন উৎপাদনে স্টেটগুলোর মধ্যে বর্তমানে তৃতীয় এবং ক্রাফ্ট ডিস্টেলারিতে দ্বিতীয়।

কৃষি মেলায় উন্নয়ন

বাজেটটি অতিরিক্তভাবে নিউ ইয়র্কের কাউন্টি ফেয়ার এবং গ্রেট নিউ ইয়র্ক স্টেট ফেয়ারে প্রধান অর্থসংস্থান করে, যেটি নিউ ইয়র্ক কৃষির এমন এক গুরুত্বপূর্ণ উপাদান যা জনসাধারণকে এই গুরুত্বপূর্ণ শিল্প ও তার ঐতিহ্যের সাথে সংযুক্ত করে। কাউন্টির মেলা এবং গ্রেট নিউ ইয়র্ক স্টেট ফেয়ারের মধ্য সমন্বয় সম্প্রসারণ এবং স্টেট জুড়ে সমস্ত মেলায় যুব ও কৃষি কর্মসূচির উদ্যোগগুলো উন্নত করার সুযোগ বাড়ানোর ব্যাপারে গভর্নর হোকলের প্রতিশ্রুতি বজায় রাখার একটি চেষ্টায় তাদের বিপণন এবং প্রচারে সহায়তার জন্য বাজেটের মধ্যে কাউন্টি মেলাগুলোয় বিনিয়োগবাবদ 2 মিলিয়ন মার্কিন ডলার রয়েছে।

নিউ ইয়র্ক স্টেট তার খামার ও খাদ্য ও পানীয় ব্যবসা নিয়ে কৃষি শিল্প উন্নত করার আতুরঘর, যা নিউ ইয়র্কের অর্থনীতির জন্যও গুরুত্বপূর্ণ। 30টির বেশি সামগ্রী উৎপাদনে স্টেটের স্থান সেরা দশের মধ্যে রয়েছে, যেখানে মাত্র স্টেটের এক-চতুর্থাংশ জমি কৃষিখাতে নিবেদিত – যা প্রায় সাত মিলিয়ন একর। নিউ ইয়র্ক কটেজ চীজ, টক ক্রিম এবং দই উৎপাদনে প্রথম স্থানাধিকারী—দুগ্ধ শিল্প স্টেটের সবচেয়ে বড় কৃষি খাত। মেপল সিরাপ, আপেল, বাঁধাকপি এবং স্ল্যাপ বিন উৎপাদনে দ্বিতীয়; আঙ্গুরে তৃতীয়। নিউ ইয়র্ক বড় ও ছোট কৃষিজাত কার্যক্রমের আতুরঘর এবং স্টেট জুড়ে এবং পৃথিবী জুড়ে খাদ্য ও খামারজাত পণ্য প্রেরণ করতে কিছু সবচেয়ে খ্যাতিনামা এবং মার্জিত পদ্ধতি প্রয়োগ করে।

###

আরো সংবাদ এখানে পাওয়া যাবে: www.governor.ny.gov
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্কাইব করুন](#)

